

Na osnovu člana 12. stav 1. tačka f) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana 2024. godine, donijela je

ZAKON
O IZMJENAMA I DOPUNAMA ZAKONA O
PRIVREMENOM KORIŠĆENJU JAVNIH POVRŠINA
NA PODRUČJU KANTONA SARAJEVO

Član 1.

U Zakonu o privremenom korišćenju javnih površina na području Kantona Sarajevo ("Službene novine Kantona Sarajevo", br. 20/04, 26/12, 32/12-Ispravka, i 24/15) u članu 2. stav 1. u tački 1. iza alineje "- slobodnostojećih displeja" dodaje se nova alineja koja glasi:

"- punionica za električne automobile".

Član 2.

Iza člana 16. dodaju se novi članovi 16 a., 16 b. i 16 c. koji glase:

"Član 16 a.

Punionica za električne automobile može se privremeno postaviti na javnim površinama iz člana 3. ovog zakona:

Postavljanje punionica za električne automobile, iz stave 1. ovog člana odobrava općinska služba za urbanizam u skladu sa ovim zakonom i prostornim mogućnostima.

Odobranje privremenog korišćenja javnih površina za postavljanje punionica za električne automobile vrši se donošenjem urbanističke saglasnosti i odobrenja za građenje.

Period privremenog korišćenja javnih površina za postavljanje punionica za električne automobile je do pet godina.

Član 16 b.

Uz zahtjev za izdavanje urbanističke saglasnosti podnosilac prilaže:

- kopiju katastarskog plana i
- Idejni projekat punionice za električne automobile sa priključkom na NN elektromrežu (nadzemni i podzemni dio) sa tehničkim opisom i predmjerom radova.

Urbanistička saglasnost se donosi uz prethodnu saglasnost Ministarstva saobraćaja, a sadrži urbanističko-tehničke uslove, obavezu pribavljanja saglasnosti JP "Elektroprivreda BiH" d.d. Sarajevo, te eventualno druge obaveze.

Sastavni dio urbanističke saglasnosti je Lokacija objekta.

Član 16 c.

Uz zahtjev za izdavanje odobrenja za građenje podnosilac prilaže:

- Glavni projekat ovjeren sa aspekta zaštite od požara i zaštite na radu;
- mišljenje i saglasnost JP "Elektroprivreda BiH" d.d. Sarajevo kao i druge dokaze o izvršenim obavezama utvrđenim u urbanističkoj saglasnosti.

Odobrenje za građenje sadrži uslove za postavljanje, korištenje i održavanje punionice za električne automobile.

O danu početka radova korisnik je dužan obavjestiti nadležnu urbanističko-građevinsku inspekciju.

Po završetku radova korisnik obavještava općinsku službu za urbanizam i urbanističko-građevinsku inspekciju.”

Član 3.

U članu 25. u dijelu poslovi prvostepenog upravnog rješavanja u oblasti urbanizma, u stavu 1. alineja 1 iza riječi: “- slobodnostojećih displeja” dodaju se riječi: “punionica za električne automobile”.

Član 4.

Iza člana 26. dodaje se novi član 26 a.

„Član 26 a.

Uslove i kriterije za dodijelu lokacija, bliže uslove za donošenje rješenja i korištenje javne površine iz člana 25. i 27. Zakona, visinu naknade svih vidova privremenog korištenja javnih površina utvđenih ovim zakonom, način uplate, usmjeravanje i mjere za sigurnu i efikasnu naplatu, druga pitanja od značaja za privremeno korištenje javne površine za sadržaje iz člana 2. Zakona, za području općine, utvrđuje svojim propisom općinsko vijeće.“

Član 5.

U članu 27. briše se st. 2 i 3., a dosadašnji stavovi 4. i 5. postaju 2. i 3.

Član 6.

Ovaj zakon stupa na snagu osmog dana od dana objavljivanja u “Službenim novinama Kantona Sarajevo”.

Broj:

Predsjedavajući
Skupštine Kantona Sarajevo

Elvedin Okerić, s.r.

O B R A Z L O Ž E N J E

I – PRAVNI OSNOV

Pravni osnov za donošenje Zakona o izmjenama i dopunama Zakona o privremenom korištenju javnih površina na području Kantona Sarajevo sadržan je u odredbama člana 12. stav 1. tačka f) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17).

Članom 12. stav 1. tačka f) Ustava Kantona Sarajevo utvrđeno je da u okviru svojih nadležnosti Kanton je nadležan za donošenje propisa o korištenju lokalnog zemljišta, uključujući i zoniranje.

Odredbama člana 18. tačka b) Ustava Kantona Sarajevu utvrđeno je da Skupština Kantona donosi zakone i druge propise za koje nije nadležna Vlada Kantona.

II – RAZLOZI ZA DONOŠENJE

Ministarstvu komunalne privrede, infrastrukture, prostornog uređenja, građenja i zaštite okoliša obratila se Privredna/ Gospodarska komora Federacije Bosne i Hercegovine dopisom broj:01-01.1-87/19 kojim dostavlja inicijativu da se u okviru zakonskih propisa reguliše postavljanje punionica za električna vozila na javnim površinama ili javnom parking prostoru u pojednostavljenoj proceduri.

Uvažavajući navode iz inicijative da je intenzivan rast prodaje električnih vozila u svijetu i EU koja prati i intenzivan razvoj infrastrukture za punjenje električnih vozila, Ministarstvo je inicijativu dostavilo svim općinama Kantona uz mišljenje da istu treba sagledati kroz izmjene i dopune Zakona o privremenom korišćenju javnih površina na području Kantona Sarajevo ("Službene novine Kantona Sarajevo", br. 20/04, 26/12, 32/12 i 24/15) na izjašnjenje.

Nakon toga većina općina je dostavila pismeno izjašnjenje u kojim se navodi da smatraju opravdanim inicijativu Privredne/ Gospodarske komora Federacije Bosne i Hercegovine, te da je potrebno izvršiti izmjenu Zakona.

Imajući u vidu navedno Ministarstvo je sačinilo tekst Zakona o izmjenama i dopunama Zakona sa relativno pojednostavljenom procedurom postavljanja punionica za električna vozila. Imajući u vidu da će općinske službe provoditi propisane procedure u praksi, u cilju što efikasnijeg postupanja sačinjeni tekst dostavljen je svim općinama radi eventualnog davanja primjedbi, sugestija i prijedloga.

Predložene izmjene obuhvatile su regulisanje postupka postavljanja punionica na javnim površinama ili javnom parking prostoru (parkiralištu). Pojedine općine dostavile su mišljenja koja su razmatrana prilikom izrade ovih izmjena i dopuna zakona.

III USLAĐENOST SA LEGISLATIVOM EVROPSKE UNIJE

Ministarstvo pravde i uprave Kantona Sarajevo će se izjasniti da tekst Nacrta zakona nije u suprotnosti sa Evropskom konvencijom o zaštiti ljudskih prava i osnovnih sloboda, kao ni drugim pravnim aktima kojima je utvrđena zaštita ljudskih prava i sloboda.

IV – OBJAŠNJENJE PRAVNIH RJEŠENJA SADRŽANIH U ZAKONU

Članom 1. dopunjuje se član 2. stav 1. Zakona o privremenom korišćenju javnih površina na području Kantona Sarajevo, kojim se utvrđuje šta se može privremeno postaviti na javnoj površini,

tako što se isti dopunjuje “punionicama za električne automobile” koje zakon do sada nije predviđao.

Članom 2. se iza člana 16. dodaju novi članovi 16 a., 16 b. i 16 c. kojim je propisan postupak odobravanja privremenog korišćenja javnih površina za postavljanje punionica za električne automobile.

Član 16 a. propisuje da privremeno korišćenje javnih površina za postavljanje punionica za električne automobile odobrava općinska služba za urbanizam u skladu sa ovim zakonom i prostornim mogućnostima, na period do pet godina, te da se odobravanje vrši se donošenjem urbanističke saglasnosti i odobrenja za građenje. .

U članu 16 b. stav 1. propisano je šta se prilaže uz zahtjev za izdavanje urbanističke saglasnosti, dok stav 2. propisuje sadržaj urbanističke saglasnosti.

U članu 16 c. propisano je šta se prilaže uz zahtjev za izdavanje odobrenja za građenje, sadržaj odobrenja za građenje, kao i obavezu da po završetka radova korisnik obavještava nadležnu općinsku službu i urbanističko-građevinsku inspekciju radi provjere ispunjenja uslova utvrđenih u odobrenju za građenje.”

Članom 3. se vrši dopuna u članu 25. Zakona u dijelu poslovi prvostepenog upravnog rješavanja u oblasti urbanizma, u stavu 1. alineja 1 odnose se i na punionice za električne automobile.

Članom 4. dodaje se novi član 26 a. kojim se daje mogućnost širine jedinicama lokalne zajednice da općinsko vijeće, u skladu sa potrebama, svojim propisom utvrdi uslove i kriterije za dodijelu lokacija, bliže uslove za donošenje rješenja i korištenje javne površine iz člana 25. i 27. Zakona, visinu naknade svih vidova privremenog korištenja javnih površina utvrđenih zakonom, način uplate, usmjeravanje i mjere za sigurnu i efikasnu naplatu, kao i druga pitanja od značaja za privremeno korištenje javne površine za sadržaje iz člana 2. ovog zakona, što podrazumjeva i razradu “drugih specifičnih sadržaja koji se navode u istom.

Članom 5. brišu se u članu 27. Zakona dosadašnji st. 2. i 3. jer su obuhvaćeni i razrađeni u novom članu 26.a.

Članom 6. propisano je da Zakon o izmjenama i dopunama Zakona o privremenom korišćenju javnih površina na području Kantona Sarajevo stupa na snagu osmog dana od dana objavljivanja u “Službenim novinama Kantona Sarajevo”.